



Chistiona su Sardu!

Letzione N.23

Cràstulas e cummentos

Maistra: Non podiat mancare una chistionada de cràstulas e de cummentos chi sunt cosas chi sutzedent onni die in cale si siat logu de su mundu.

Micheli: Nara Lio, ma a su cuntzertu depet bènnere finas cussa ficheta de sa sorre de Mateu?

Lio: No l'isco o Micheli, ma ti paret chi cussa si perdet s'occasione? E s'ischit chi b'est Gaine at a murigare bene bene pro bènnere cun sa cumpangia giusta.

Marisa: Pro ite ite tipa est?

Micheli: Bella che su sole! Difatis non faghet a l'abbaidare!

Lio: Non ses obietivu Micheli, ses tue chi non la podes suportare.

Micheli: Pro ite no est una ruga? E non nàrgias fàulas ca cando ses cun sas amigas tuas la seis semper critichende!

Lio: Ca si cheret pònnere in mesu a totu. Est inteligente, ma si bi sunt pitzocos in giru si bortat in pudda pro si pònnere in musta.

Micheli: E bestit istramba. Paret una remitana.

Lio: Cussa est sa moda metallara misturada cun cussa dark chi si usada in sos ùrtimos tempos ca est semper in fatu de Gaine.

Micheli: Ma Gaine la lassat a pèrdere semper.

Lio: E toca ca no est de gasi. Cando s'allindat est fintzas bellighedda. E lassa istare chi cussas de Gaine sunt totus chistiones.